

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 6. Juli 2021

Här President,

Sou wéi d'Chambersreglement et virgesäit, bieden ech lech, dës parlamentaresch Fro un den Här Landwirtschaftsminister weiderzeleeden.

Wéi am Artikel "EU-Kommission will Käfighaltung von Nutztieren beenden", deen den 1. Juli am Tageblatt publizéiert gouf, war ze liesen, datt d'EU-Kommissioun bis 2023 eng legislativ Initiativ wëll presentéieren, déi, déi landwirtschaftlech Käfighaltung bis 2027 komplett géif verbidden.

An deem Zesammenhang géif ech der Regierung gär follgend Froe stellen:

- 1) Wéi steet d'Regierung zu dëser Initiativ?
- 2) Plangt d'Regierung parallel zu der annoncierter EU-Etude zu de Follgekäschten, eng entspreichend national Etude, déi sech spezifesch op eis landwirtschaftlech Struktur bezitt? Wa jo, wéi gedenkt d'Regierung déi betraffe Bauere mat anzebannen?

Mat déiwem Respekt,



Jeff Engelen
Deputéierten



LE GOUVERNEMENT
DU GRAND-DUCHÉ DE LUXEMBOURG
Ministère de l'Agriculture,
de la Viticulture et du
Développement rural

Dossier suivi par : M. André LOOS
Tél : 247-82530

Réf.:

Monsieur Marc HANSEN
Ministre aux Relations avec le
Parlement

Service Central de Législation

LUXEMBOURG

Luxembourg, le 03.08.21

Objet: Question parlementaire n° 4614 de l'honorable Député Jeff Engelen

Monsieur le Ministre,

J'ai l'honneur de vous faire parvenir, en annexe, ma réponse à la question parlementaire citée sous rubrique.

Veuillez agréer, Monsieur le Ministre, l'assurance de ma considération très distinguée.

Le Ministre de l'Agriculture,
de la Viticulture
et du Développement rural,


Romain SCHNEIDER



Réponse du Ministre de l'Agriculture, de la Viticulture et du Développement rural à la question parlementaire n°4614 de l'honorable Député Jeff Engelen

Wéi am Artikel "EU-Kommission vill Käfighaltung von Nutztieren beenden", deen den 1. Juli am Tageblatt publizéiert gouf, war ze liesen, datt d'EU-Kommissioun bis 2023 eng legislativ Initiativ wëll presentéieren, déi, déi landwirtschaftlech Käfighaltung bis 2027 komplett géif verbidden.

1. Wéi steet d'Regierung zu dëser Initiativ?

Wéi all Initiativ, déi zum Déierewuel bäidréit, ënnerstëtzt d'Regierung och dës Initiativ.

2. Plangt d'Regierung, parallel zu der annoncierter EU-Étude zu de Folgekäschten, eng entspreichend national Étude, déi sech spezifesch op eis landwirtschaftlech Struktur bezitt? Wa jo, wéi gedenkt d'Regierung déi betraffe Bauere mat anzubannen?

Den Ament ginn et keng konkret Pläng fir sou eng Étude duerchzeféieren. D'EU-Étude kann Hiweiser ginn, awéifern sou eng Étude op nationalem Terrain Sënn géif maachen an och duerchféierbar ass, fir aussokräfteg resp. valabel Resultater ze kréien, a wéi d'Baueren dann am Beschten agebonne kënnen.
